

IMAQARNILIAQ IN - Innarluutillit pillugit Siunnersuisooqatigiit 05-03-2018

**Ulloq
ataatsimiiffissaq**

Mandag 05. marts 2018 kl. 14:00

Ataatsimiiffissaq

Kuussuaq 2, ataatsimiittarfik 2, Kommuneqarfiup allaffia, inini
alliup tullia

Indholdsfortegnelse

| | |
|-------------------|---|
| Imaqarniliaq..... | 3 |
|-------------------|---|

Punkt .: Imaqarniliaq

Imaqarniliaq Innarluutilinnut Siunnersuisoqatigiit ataatsimiinnerat

Piffissaq: Ataasinngorneq marsip tallimaat nal.: 14.00 – 16.00
Sumiiffik: Kuussuaq 2, ataatsimiittarfik 2, Kommuneqarfiup allaffia, inini alliuq tullia

Ataatsimeeqataasut:

Viggo Johansen, Siulittaasooq
Aviaaja Geisler, Siulittaasup tullia
Nanette Hammeken Arboe, ilaasortaq
Paulus Napatoq, ilaasortaq
Sara Jilsø Fleischer, ilaasortaq
Sofia Rossen, fagcheffi
Lise Lotte Have, fagcheffi
Martha Lund Olsen, MI Pisortaq – ataatsimiinnermi peqataanngilaq
Laila Skydsbjerg Skytte, psykologi
Lars Jørgen Kleist, imaqarniliortoq

Oqaluuserisassat:

- 1) Kingullermik ataatsimiinnermit imaqarniliap akuersissutigineqarnera - Imaqarniliaq oqaaseqaateqarfiginagu akuerineqarpoq.

1.1 Siulittaasooq Viggo Johansenip naatsumik paasissutissiinera:

- Ataatsimiittarnerit akuttuallaartumik ingerlanneqartannginnissaat ullullu ataatsimiiffissatut aalajangiunneqareersut malinneqartarnissaat kissaatigineqarpoq. Siulittaasooq ataatsimiinnermi peqataasinnaanngikkaangat - taava siulittaasup tulliaata ataatsimiinneq akisussaaffigilerlugulu aqussavaa.
- Isumaginninnermut Aqutsisoqarfimmut Ineriartortitsineri Siunnersuisooqatigiinni ilaasortatut inuttut nammineq toqqagaasimalluni ilisimatitsissutigaa. Ineriartortitsineri Siunnersuisooqatigiit Isumaginninnermut Aqutsisoqarfimmit pilersinneqarpoq, tassanilu meeqqanut inunnullu innarluutilinnut tunngasut suliarineqartarput. Siunnersuisooqatigiinni suliaasaqarfimmut tunngasunik immikkut ilisimasalinnik pingasunik ilaasortaqarput, taakkunungaluni ilaalluni.

2) Ingerlatsivimmit nutaarsiassat

Sofia Rossen:

- Inunnut innarluutilinnut Tarnimikkullu Nappaatilinnut Immikkoortortami fagcheffi Allison Hansen atorfirmimit ulloq 28. februaari 2018 soraarnera pissutigalugu fagcheffi Sofia Rossen ataatsimiinnermi peqataavoq. Suliat agguataarneqartarnerinut atatillugu Sofia Lise Lottellu nutaamik atorfinitsitsisoqarnissaata tungaanut immikkoortortaarfik tiggummivaat. Fagchefitut atorfirmut inuttaqanngitsumut atorfinitsitsinissamut ataatsimiititamik pilersitsisoqalerpoq.
- 2018-imi apriliip aallaqqaataani Isak N. Kleist pisortatut atorfinitsinneqassaaq. Isak Namminersortutik Oqartussaneersuuvoq, Suliffeqarnermut Naalakkersuisoqarfimmit.
- Martha L. Olsen Meeqqanut Ilaqutariinnullu Ingerlatsivimmi pisortatut atorfinippoq.

Lise Lotte Have:

- Inersimasunik isumassuinnermut Sullissivimmi fagchefitut atorfirmimit ulloq 31. marsi 2018 soraassaaq, namminersortutullu sulilerluni.

Lars Jørgen Kleist:

- Innarluutilinnut Siunnersuisoqatigiinnut ataqatigiissaarisoq Jeppe S. Toftdahl taarserlugu ilisimatitsissutigaa. Lars Jørgen Kleist Isumaginninnermut Suliffeqarnermullu Ingerlatsivimmi immikkut siunnersortitut atorfeqarpoq, Ilisimatusarfimmilu 1998-imi cand.scient.adm-itut naammassilluni.

Laila Skydsbjerg Skytte:

- MISI-imi siunnersortaanerugallartutut 2017-imi decembarimiilli atorfinippoq. Maanna atorfik pillugu inuttassarsiuussineq ingerlanneqarpoq.
- MISI apriliip qaammataani Vestrefængselimut nuussaaq - MISI-mi pisortamit ingerlatsiviup ataatsimoortinneqarnissaa kissaatigineqarmat. Tamatuma saniatigut oqaloqateqartarnernut siunnersuinernullu ininik naleqquttunik pissarsinissaaq kissaatigineqarpoq.
- MISI Vestrefængselimut nuuppat – Peqqinneq Susassaqartitsinerlu Nota Bene-p qulaanut nuussaaq
- Pillorissaasut aamma timimik sungiusaasut immikkoortortamut ilanngunneqarnissaat pillugu suliaq ingerlasoq ataatsimiinnermi kingullermi MISI-kkormiunit eqqaaneqarpoq. Pillorissaasut aamma timimik sungiusaasut ilaatigut innuttaasut innarluutilit sullittaraat. Ajoraluartumilli inatsisit allallu pissutigalugit pillorissaasut aamma timimik sungiusaasut Meeqqanut Ilaqutariinnullu Ingerlatsivimmut utertariaqarsimapput.

3. Kommuneqarfik Sermersuumi Innarluutilinnut Siunnersuisoqatigiit suleriaasissaannut siunnersuutip akuerineqarnera.

Innarluutilinnut Siunnersuisoqatigiit Innarluutilinnut Siunnersuisoqatigiit suleriaasissaannut siunnersuut misissorpaat ilassutillu/allannguutit ilanngussatut kakkiullugit uani:
Innarluutilinnut Siunnersuisoqatigiit suleriaasissaat_allannguutit ilanngullugit.

4. Innarluutilinnut Siunnersuisoqatigiinnit oqaluuserisassat:

Ilisimatitsissutit:

4.1 Kommuneqarfik Sermersuumi inuit innarluutillit amerlassusaat aamma ukioqatigiinnut agguataarlugit inuit innarluuteqartut innarluutaasa suussusaat pillugu ilisimatitsissut. Nanette Hammeken Arboe-mit apeqquaqat.

Kommuneqarfik Sermersuumi inuit innarluutillit pillugit takussutissaq tulliuuttunut tunngasoq suliarineqarpoq

- Innuttaasut innarluutillit inersimasut aamma arnaanerat angutaaneralluunniit tunngavigalugu agguataarneri
- Innuttaasut meeqqat inuusuttullu
- Kalaallit Nunaanni avataanilu inissinneqarsimasut takussutissartaat.

Takussutissami Kalaallit Nunaanni Danmarkimilu ukioqatigiikkuutaanut aamma arnat angutillu agguataarneqarneri kiisalu innarluutaasa suussusaanik agguataarneqarneri amigaatigineqarput. Tamatuma saniatigut Kommuneqarfik Sermersuumi avataanilu inissinneqarsimasut takussutissartaat Innarluutilinnut Siunnersuisoqatigiinnit kissaatigineqarpoq.

Isumaginninnermut Suliffeqarnermullu Ingerlatsivimmit takussutissat Innarluutilinnut Siunnersuisoqatigiinnut nassiunneqassapput, oqaluuserisassarlu ataatsimiinnerup tullissaani oqaluuserineqarpoq.

4.2 Iluaqusersuutit misilerarneqarnissaannut suleriesissaq pillugu ilisimatitsissut. Nanette Hammeken Arboe-mit apeqquaqat.

Lise Lotte iluaqusersuutit misileranerannut sulerieseq nassuiaatigaa.

Isumaginninnermut Suliffeqarnermullu Ingerlatsivik missingersuuteqarpoq - tassani luqanoq amerlatigisunik iluaqusersuutiniq toqqorsivimmiititsisoqarsinnaanersoq allassimavoq. Taamaattorli, pillorissaasut aamma timimik sungiusaasut suliamut tunngasut toqqammavigalugit ataasiakkaaralutik misiliinissamik pisariaqartitsisoqarnerisooq nalilersortarpaat, pisariaqartitsisoqaraangalli atortorissaarutit pisariaqartinneqartut pisiarineqarsinnaasarput.

Atortorissaarutinilli misileraanissap periarfissaajuaannarnissaa pisariaqarpoq - tassa inummut innarluutilimmut ukiuinullu apeqquataatinnagu iluaqutaanersoq paasiniarlugu. Tamatuma saniatigut inatsit tunngavigalugu sullinneqarnissaa piunasaqataavoq. Kommune iluaqusersuutiniq ikiuuttussaataavoq oqaloqatigiinnissamullu ammajuaannarluni.

4.3 Innarluutilinnut Siunnersuisoqatigiinnut saaffiginnissutit aaqquissuunneqarneri pillugit ilisimatitsissut? Viggo Johansenimit apeqquaqat.

Kommuneqarfik Sermersuumi Innarluutilinnut Siunnersuisoqatigiit suleriaasissaani immikkoortoq 3 innersuussutigineqarpoq.

4.4 Innarluutilinnut tunngassuteqartunut sunniuteqarsinnaasut ingerlatsivimmi allannguutaasussat pillugit ilisimatitsissut. Viggo Johansenimit apeqquaqat. Oqaluuserisassaq ataatsimiinnissamut tullermut kinguartinneqarpoq.



4.5 Angerlarsimaffeqanngitsut Pakkutami (Ippiarsummi), innarluutilinnut immikkoortortami, inissineqarsinnaanerinit kommunip aalajangernera pillugu ilisimatitsissut. Viggo Johansenimit apeqquteqaat.

Paatsoortoqarsimanera tunngavigalugu apeqquteqaateqartoqarpoq. Pakkutami inissiinnermut atatillugu suliat allaaserineqarnerannut tunngasut inissiinnginnermi malinneqartussaapput. Pakkutami inummik inissiisoqarnissaq tulleriissaarinnermi ataatsimiititami aalajangerneqartuaannarpoq.

Tusagassiuutini allagarsiussamut innersuussut takusimasani Viggop nassiuutissavaa, taamaalilluni allagarsiussaq kommunimit naqqiissutigineqarnissammat.

4.6 Isumaginninnermut Aqutsisoqarfimmi Ineriartortitsinnermi Siunnersuisooqatigiinni suliaq aallartinneqartoq pillugu ilisimatitsissut. Viggo Johansenimit apeqquteqaat.

Isumaginninnermut Suliffeqarnermullu Ingerlatsivimmit Innarluutilinnut Siunnersuisooqatigiinni peqataasussaataasunit Isumaginninnermut Aqutsisoqarfimmi Ineriartortitsinnermi Siunnersuisooqatigiinni suliaq aallartinneqarsimasoq ilisimaneqanngilaq.

Isumaginninnermut Aqutsisoqarfimmi Ineriartortitsinnermi Siunnersuisooqatigiit pillugit Innarluutilinnut Siunnersuisooqatigiit paasissutissanik pissarsiniarlutik, Innarluutilinnut Siunnersuisooqatigiinni siulersuisoq sinnerlugu ataatsimiinnermi tullermi, Isumaginninnermut Aqutsisoqarfimmi Ineriartortitsinnermi Siunnersuisooqatigiit atuuffii pillugit ilisimatitsisoqarnissaa kissaatigineqarpoq.

4.7 Siunissami Innarluutilit illersuisoqarfiata Tiliup kiisalu nuna tamakkerlugu Inunnut Innarluutilinnut Sullissivik nutaaq Sullissivik suleqatigineqartarnissaannut isummersuutit pillugit ilisimatitsissut. Viggo Johansenimit apeqquteqaat.

Sofie – ilisimatitsivoq Martha (MI-mi pisortaq) aamma Kista (SI-mi pisortaagallartoq, nuna tamakkerlugu Inunnut Innarluutilinnut Sullissivimmit siunissami suleqatigiinnissaq pillugu ataatsimiinnissamut qaaqqusaasimasut.

Sisimiuni Inunnut Innarluutilinnut Sullissivik ulluinnarni nal. 8-16 akornanni ammasarpoq.

Isumaginninnermut Suliffeqarnermullu Ingerlatsivik ataatsimiinnermi tullermi nuna tamakkerlugu Inunnut Innarluutilinnut Sullissivik nutaaq pillugu kiisalu suliniutit suut pilersaarutaanersut pillugit ilisimatitsissuteqassaaq.

Oqaluuserisaq tulliani ataatsimiinnermi nanginneqassaaq.

4.8 Innarluutilinnut Siunnersuisooqatigiit qaqugu ataatsimiititami siulittaasumik imaluunniit ataatsimiititamik ataatsimeeqateqarsinnaanersoq pillugu ilisimatitsissut? Viggo Johansenimit apeqquteqaat.

Lise Lotte Innarluutilinnut Siunnersuisooqatigiit ataatsimiititaq sorleq ataatsimeeqatigerusunneraa paasissallugu pitsaasuussasoq nassuiaavoq.?

Ataatsimiititat pingasuupput: Isumaginninnermut Suliffeqarnermullu Ataatsimiititaq, Meeqqanut Ilaqutariinnullu Ataatsimiititaq kiisalu Meeqqanut Atuarfeqarnermullu Ataatsimiititaq.

Innarluutilinnut Siunnersuisooqatigiit ataatsimiinnermi tullermi ataatsimiititaliaq sorleq ataatsimeeqatigerusunnerlugu ulluni sorlarni ataatsimiinnerit ingerlanneqassanersut aalajangiissapput.

4.9 Innarluutilit pillugit Politikkimik eqqartuineq - Viggo Johansenimit oqaluuserisassanngortitaq.



Innarluutilinnut Siunnersuisoqatigiinnit oqaaseqaatigineqarpoq, Innarluutillit pillugit Politikki amigaateqartoq.

Ilaatigut apeqqutigineqarpoq:

- Immikkoortumut pilersaarummut atatillugu meeqqanut inuusuttunullu tunngasut qanoq ineriartortinneqarpat?

Immikkoortumi pilersaarut meeqqanik inuusuttunillu tunngassuteqartunik imaqarnerunissaa Innarluutilinnut Siunnersuisoqatigiit kissaatigaat. Assersuutigalugu maanna meeqqanut inuusuttunullu tunngasut taamaallaat quppernermi affarmi immikkoortumi ataatsimi allaaserineqarsimapput.

Meeqqanut inuusuttunullu tunngasut tulluuttut pillugit sukumiisumik misissuinermik aallartitsisoqarsimanersoq pillugu ataatsimiinnermi tullermi ingerlatsivinnit (SI, MI aamma MA) ilisimatitsisoqarnissaa Innarluutilinnut Siunnersuisoqatigiit kissaatigaat:

- Ulluunerani neqeroorutit
- Atuarnissamut neqeroorutit
- Meeqquerivinnut neqeroorutit
- Sunngiffimmi neqeroorutit.

Innarluutillit pillugit Politikkimut tunngatillugu immikkoortumik Innarluutilinnut Siunnersuisoqatigiinni ilaasortat ilaat oqaluuserisassaqaqarunik - Innarluutillit Siunnersuisoqatigiit tulliani ataatsimiilerpata immikkoortutut oqaluuserineqassasoq.

5. Taasariaqartut allat:

Innarluutilinnut Siunnersuisoqatigiit ilaasortaat ataatsimiinnissaq sioqqullugu piareersaqatigiissasut ulloq 19. aprili 2018 nal.: 14.00, ileqquusumillu ataatsimiinneq pissaaq ulloq 23. aprili 2018 nal. 14.00 - 16.00. Innarluutilinnut Siunnersuisoqatigiit namminneq ataatsimiiffissamik naleqquttumik nassaarnissaat Isumaginninnermut Suliffeqarnermullu Ingerlatsivimmit siunnersuutigineqarpoq, ilaatigut Piumassutsiminnik suliaqartut illuat mailikkut attavigineratigut: peqatigiiffiit@sermersooq.gl. Tamatuma saniatigut Piumassutsiminnik suliaqartut illuanni Siunnersuisoqatigiit ilaasortaannut ataatsimiinnissaq sioqqullugu piareersarnissamut atatillugu oqarasuaatikkut attaveqarnissamut ikuuttoqarsinnaasoq nalunaarutigineqarpoq.

Inussiarnersumik inuulluaqqusilluta // Med venlig hilsen

Suliffeqarnermullu Isumaginninnermut Ingerlatsivik
Forvaltning for Velfærd og Arbejdsmarked

